

# **Universitätsbibliothek Paderborn**

**Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sectio I. De impeccabilitate Christi.

**urn:nbn:de:hbz:466:1-13826**

## DISPUTATIO QUINQUAGESIMA QUARTA.

De defectibus corporis & animæ à Verbo  
assumptis.

**C**ONVENIENTISSIMVM fuisse afferit Angelicus Doctor, ut corpus à Verbo assumptum defectibus quibusdam & infirmitatibus humanis subjaceret, tum quia venit Filius Dei in carne assumptā ut pro peccatis hominum satisfaceret, quod requirebat corpus passibile: tum ad fidem Incarnationis astruendam, cuius veritas per hoc magis innotescit, dum Christus similis nobis per omnia homo apparet. Tertio ut nobis tolerantia exemplum præberet, ad labores in cœli consecutione perferendos.

Christus ergo famem, sitiū, labores, ærumnas, dolorem, & alia hujusmodi in hac vitâ sustinuit, unde Isaiae c. 53. dicitur: verè languores nostros ipse tulit, &c. Notandum verò cum sancto Thoma, art. 4. Corpore, non assumpsisse Christum quosvis defectus, ut morbum caducum, lepram, & alios hujusmodi, qui non sequuntur ad communem naturæ humanae conditionem, sed procedunt ex particularibus causis. Præterea hi defectus nihil profuissent, sed impeditivissent potius finem à Deo in Incarnatione intentum, sicq; non decebat ut Verbum eos in suo corpore assumeret. Christus verò si in juventute occisus non fuisset, senio more aliorum hominum confectus fuisset, & tandem naturaliter mortuus, ut docet S. Augustinus, & cum eo Theologi.

Animi etiam affectibus & passionibus ut tristitia, & aliis non-nullis subjacebat Christus, sed sine ullo excessu, aut rationis perturbatione, imo omnes earum motus liberè acceptavit, & sine ulla coactione, aut violentiâ, datâ tamen occasione, eas subinde perpeccus est, ut docet S. Thomas & communis Theologorum sententia: nec applicata doloris causâ, flagellatione scilicet, crucifixione, &c. potuit Christus circa miraculum non dolere.

### SECTIO PRIMA.

De impeccabilitate Christi.

L.  
Aliorū omnes  
hominū  
defectus pec-  
catum lon-  
gè superat.



U. M. inter omnes humanæ naturæ defectus peccatum primum locum obtineat, nec singulostantum, sed omnes simul sumptos in gravitate supereret, peculiaris hac de re instituendus est tractatus, videndumque quo pacto

sanc̄tissima Christi anima, non à peccato solum, sed insuper à peccandi potentia, immunis fuerit, quicquid in contrarium nonnulli ex Theologis, ut mox videbimus, affirmatur.

Duo verò imprimis hic certa, primū est, Christum ut Deum fuisse impeccabilem: secundū ut hominem de facto peccatum nullum, vel mortale, vel veniale unquam admisisse, aut causum aut contraxisse: Quod in ei natum est, de Spiritu sancto est. Matth. 1, v. 20. Quod nascens ex te Sanctum, &c. Luke 1, v. 35.

**Nullus ante Calvinius tam impudenter fuit habens, ut Christo peccatum attribueret.**

Lucæ 1. v. 35. *Quis ex vobis arguet me de peccato.*  
 Joannis 8. *Qui peccatum non fecit, nec inventus est dolus in ore eius.* 1. Petri c. 2. Deinde non minus certum est in Christo peccatum originale non fuisse, utpote quod soli contrahunt illi, qui per naturalem propagationem ab Adamo descendunt, Christus autem ex Virgine natus est, & de Spiritu Sancto conceptus: de quo Lucæ 1. v. 35, dicitur: *Quod nascetur ex te sanctum, vocabitur filius Dei.* Nec ullus inventus est adeo impudens hereticus ante Calvinum, qui Christo ausus sit peccatum appingere. Calvinus vero & alius quidam apostata dicere aucti sunt, Christum in cruce desperasse, & alia quædam quia sine peccato perpetrari non possent, admisisse: siccum Soli maculum, Christo labem impi & blasphemi homines aspergunt.

**III.**  
**Quo sensu dicitur Apollonius, Christus factum esse peccatum**

Nec obstat illud 2. ad Corinthios 5. vers. 21. *Eum, qui non noverat peccatum, pro nobis peccatum fecit;* sensus enim hujus loci est, Deus eum, hoc est Christum, qui non noverat peccatum prædictæ scilicet, & per experientiam, quamvis, illud speculativè, & per simplicem notitiam noverat, pro nobis peccatum fecit, hoc est cum hostiam fecit pro peccato nostro, ubi inquit Sanctus Ambrosius, Theophilactus, & Sanctus Anselmus peccatum primo loco sumit Apostolus propriæ, secundò metonymicæ, quo etiam sensu Osca 4. dicuntur Sacerdotes comedere peccata populi, hoc est, hostias pro peccatis populi oblatas.

**IV.**  
**Quarimus an Christus prædictæ ex vi unionis hypostaticæ fuerit impeccabilis.**

Quæstio ergo in præsenti est, Utrum Christus, seclusa visione beatificæ, fuerit ex vi unionis hypostaticæ præcisè, impeccabilis. Negat Durandus in 3. dist. 12 quæst. 2. in quam etiam sententiam inclinare videtur Scotus, & sequitur Scotista communiter, qui licet Christum de facto impeccabilem fuisse afferant ratione visionis beatificæ, dicunt nihilominus, si Christus non fuisse beatus, potuisse eum peccare.

**V.**  
**Christus non solum per visionem beatificam, sed per unionem hypostaticam prædictam reditus fuit impeccabilis**

Dicendum tamen Christum, non per visionem beatificam tantum, sed per unionem etiam hypostaticam præcisè redditum fuisse impeccabilem: ita Sanctus Thomas in 3. dist. 12. quæst. 3. quem Thomista omnes sequuntur. Sanctus Bonaventura ibidem, art. 2. quæst. 1. Suarez hic, disput. 33. sect. 2. Vasquez disputat 61. cap. 3. Tannerus hic, Tomo 4. disp. 1. quæst. 5. dub. 8. num. 154. & omnes hodie communiter, qui acerrimè in contrariam sententiam inclinuntur, tanquam Christo indignam, eique à Suarez, & aliis temeritatis, & impietatis nota incurrunt.

**VI.**  
**Non peccatum tantum, sed peccandi potentiam per unionem hypostaticam exclusam à Christo, se docens Patres.**

Probatur conclusio primò auctoritate Patrum, qui Christum non peccati solum, sed potentiam etiam ad peccandum expertem fuisse aient, cuius rationem nunquam reddunt, quod frucretur visione beatificæ, sed quod ejus humanitas verbo unita fuerit, atque ab eo deificata, & quasi candens ferrum ignita. Unde in textâ Synodo referunt ad hanc rem verba S. Athanasii contra Apollinarem negantem in Christo fuisse animam rationalem, ne cogeretur eam concedere fuisse peccati capacem: nihil, inquit, S. Athanasius timendum hac de re, quia per ipsam assumptionem illa voluntas impeccabilis facta est: unde alibi idem Sanctus Athanasius vocat Christum per se sanctum & Dominum sanctificationis, naturam suam justum, & immutabilem ad malum: & in eadem Synodo refertur Sanctus Gregorius Nazianzenus dicens voluntatem humanam Christi

ita fuisse deificatam per unionem ad Verbum, ut non posset divine repugnare. Sanctus etiam Irenæus Martyr lib. 3. cap. 5. ait Christum non potuisse mentiri, quia erat ipsa veritas, ex quo optimè infertur, nec peccare potuisse cum esset ipsa sanctitas: & ut alios omittam, Sanctus Augustinus libro de Correptione & Gratiâ, cap. 11. dicit non fuisse metuendum, ne humana natura in Christo peccaret, cum per ipsam assumptionem à peccati omnis periculo immunis fuerit. Tandem sexta Synodus actione 17. ait voluntatem Christi humanam ita fuisse deificatam per unionem, ut totum ejus velle inde deificetur, nec posset ipse divina voluntate repugnare, nempe per peccatum. Ex quibus patet minus probabilem esse explicationem Fabri, qui hos Patres explicat de impeccabilitate per visionem beatificam ortam ex unione, cum constet eos loqui de impeccabilitate per unionem ipsam, & assumptionem formaliter.

Probat hanc conclusionem Pater Suarez citatus, Valencia disp. 1. quæst. 19. p. 2. & indicat Ratio Christi. Molina primâ parte, quæst. 18. art. 18. & Thomista communiter, quos sequitur Tannerus q. 6. dub. 4. quia si Christus esset peccabilis, Deus etiam esset peccabilis, non per communicatio- nem solum idiomatum, hoc enim concedunt Scotisti, sed immediate, & directe in se quod probat Suarez, eo enim ipso, inquit, quod humanitas hypothetice unitur Verbo, redditur peculiari ratione ipsius, ejusque directione lub- dita, sicut sponsa mariti, pupillus tutoris, ser- vus Domini, & appetitus sensitivus voluntatis. Unde sicut affectus inordinati appetitus sensitivi tribuant voluntati, ita & peccata humanitas tribuerent Verbo directe & formaliter.

Contra primum: Saltem non obstante hac ratione posset peccatum habituale confiteri hu- manitate simul cum unione hypostaticâ. Contra secundum: Non obstante unionis vinculo retinet Deus supremum suum dominium in humanitate: Unde etiæ daremus habere eum de novo aliquam potestatem in actiones humanitatis, non tamen oritur inde obligatio illa cum regendi; sicut licet in creatis eo ipso, quod quis sit filius, aut servus alterius, tenetur Pater, & Dominus cum regere, non tamen hoc sequitur in Deo, respectu cuius verè homines sunt servi & filii, quos tamen in dies permittit in peccata varia in- cidere. Addo probabilius videri ex conjunctio- ne personalitatis divina cum naturâ humanâ, non acquirere Deum peculiarem potestatem in operationes humanitatis, sicut si natura humana & leonina unirentur in eodem supposito, non posset homo cohibere leonem, nec Petrus Paulum, & licet posset, adhuc non teneretur, si haberet justam causam non impediendi; ut habeat Deus respectu omnium operationum creature: unde non major oritur obligatio præcisè ex vi unionis, quam erat antea.

De voluntate vero & appetitu sensitivo alia IX. est ratio, tum quia non habet supremum illud Lata hat in dominium voluntas nostra, tum præcipue, quia ex inordinatis appetitus motibus sequitur fre- quenter voluntatem etiam ad aliquid inordinatum volendum pertrahi, & consequenter ad pec- candum. Tertiò: Quia appetitus irrationalis non habet aliam scientiam & libertatem qua regatur, quam scientiam & libertatem animæ per intellectum & voluntatem, humanitas autem ha- bet libertatem sibi propriam.

Tandem,

X.  
Aliud est de  
Deo respectu  
humanitatis  
ibidem & de su  
periori in  
creatis res  
pectu stabili  
sorum.

Tandem disparitas est, quia Dominus & su  
perior in creatis tenet curare bonum subdit  
rum, cum etiam illorum bonum aliquo modo sit  
bonum dominorum, at vero Verbum non ma  
gis tenebatur gubernare humanitatem, quam Pa  
ter aut Spiritus Sanctus, nihil namque agit filius  
circa operationes humanitatis, quod non agunt  
omnes tres personae, cum & potentia, & omnis  
operatio ad extra sit omnibus communis. Poterat  
etiam Verbum non obstante unione hac sui ad  
humanitatem permettere illam, etiam sine omni  
causa occidi, aut perire fame, cum tamen ratio  
nalis natura teneatur non permettere corpus hoc  
modo perire: in modo poterat Verbum illam anni  
hilare, deunire, &c. quae non competit creature  
tur, ut constat.

XL.  
Nec pecca  
ret Verbum  
peccante hu  
manitate  
ex eo quod  
peculiariter  
termines na  
stram.

Secundum itaque probant alii, quia sequeretur,  
peccante humanitate Verbum peculiariter modo  
peccare; cum enim peculiariter terminet naturam  
illam, & requiratur subsistens ad operandum;  
peccatum illud peculiariter tribueretur Verbo.  
Sed contra: Subsistens enim non influit in ope  
rations: deinde eti si influeret, sicut tamen pro  
perea Deus non est auctor peccati, licet ad illud  
concurrat, quia illius concursus est generalis so  
lum, & indifferens ad omnes operations crea  
ture rationalis, sic subsistens concursus est  
indifferens quoad exercitium ad omnes operatio  
nes humanitatis, cique in operando subordina  
tus, hoc autem sufficit ut non censeatur concur  
rere ut causa particularis ad peccatum, & conse  
quenter cur ei tribui non possit.

XII.  
Dicunt alii,  
f humanitas  
peccaret,  
Verbum ip  
sum reddi  
tur Deo  
odibile.

Tertiò alii in eo implicantiam hanc peccandi  
constituant, quod peccatum reddat, non animam  
tantum, sed totum suppositum Deo odibile, sicut  
gratia facit totum suppositum gratum Deo &  
amabile, unde sequeretur Verbum secundum  
suum entitatem fore Deo odibile, quod implicat.  
Ad hoc tamen responderi posset, in supposito  
aliquo tunc omnes partes reddi odibiles, quando  
aliunde non repugnat odium essentialiter alicui  
in particulari, quod hic contingeret; Verbum enim  
cum sit essentialiter Deus, non posset esse  
objectum odii: Sic si Petrus & Paulus unirentur  
hypostaticè in subsistentiâ Petri, & Paulus injuri  
ram Petro inferret, odio haberet Petrus Pauli  
humanitatem, non tamen subsistentiam, quia  
est subsistens ipsius Petri.

XIII.  
Aliud est  
quoad od  
ibilitatem  
& amabi  
litem ubi  
una tantum  
est natura  
& libertas,  
& ubi sunt  
dua.

Respondeatur secundò: In homine peccante  
cum una tantum sit libertas, unam tantum esse  
amabilitatem, vel odibilitatem simpliciter, hic  
vero cum sint due naturæ rationales hypostaticæ  
unitæ, consequenter sunt due libertates, & amabi  
litates, unde esto humana natura peccaret,  
& redederetur odibilis, Verbum tamen suam re  
tinetur amabilitatem, & est objectum amoris  
divini.

XIV.  
Summa  
sanctitas  
non tantum  
peccatum  
impedit,  
sed peccandi  
potentiam  
ab eo in quo  
est, expellit.

Ratio itaque conclusionis est, quam afflagnat  
Vasquez disp. 61. cap. 6. & 7. quia humanitas  
Christi est summe sanctificata, effectus autem  
summae sanctitatis est, non solum peccatum è  
subjecto tollere, sed peccandi potentiam, cum  
sit sanctitas non gradualiter, sed substantialiter  
infinita, quæ proinde non solum componi simul  
non possit cum peccato, sed nec per illud destrui,  
aut expelli, cum infinitis superare debeat gradi  
tiam habitualem. Confirmatur: Summa sancti  
tas est illa, quæ major rationabiliter exco  
gari non potest, sed illa est major, quæ non  
solum in sensu composito unionis sui peccatum  
expelleret, sed quæ per peccatum denuo expelli

& superari non posset; sicut calor ille esset perfe  
ctior, qui non solum expelleret frigus, sed  
etiam ita possideret subjectum, ut expelli denuo,  
& superari à frigore non posset.

Dices primò: Per unionem hypostaticam non  
immutatur voluntas humanitatis Christi, ergo  
si anima assumeretur quæ prius extiterat, si an  
teha habebat potentiam peccandi, etiam nunc  
eam retinebit. Respondeo: Ad potentiam prox  
imam peccandi multa alia requiri præter entita  
tem physicam, & potentiam remotam peccandi,  
qualem etiam haberet Petrus, si Deus non esset  
in actu primo paratus ad concurrendum cum illo  
ad peccatum, non tamen haberet potentiam pro  
ximam. Deinde dico nunquam habuisse ani  
mam potentiam etiam remotam componendi  
peccatum cum summa sanctitate, cum ergo unio  
hypostatica sit natura sua indissolubilis, nunquam  
habuit anima hoc sensu potentiam etiam remo  
tan peccandi. Unde quavis unio non immu  
tet humanitatem in actu primo, conferendo ei  
novas vires ad operandum, ponit tamen obicem  
impedientem quo minus in quemvis actum pro  
dire possit, ad quem in sensu diviso unionis ha  
bebat potentiam.

Dices secundò: Non magis repugnat summæ  
sapientiae error, quam summa sanctitati pecca  
tum, sed potuit divinitus esse error in anima  
Christi, ut contra P. Suarez docent omnes com  
muniter cum Vasquez disp. 61. cap. 9. ergo &  
hypostaticam, ergo & pecca  
tum. Negatur consequentia: Disparitas go & pecca  
tit, quia eti summa sapientia uniat anima  
Christi, non tamen tribuit ei suum effectum for  
malem, nec reddit eam sapientem, hic enim ef  
fectus, cum sit vitalis, petit ut vitali modo com  
municetur subiecto, quod non contingit respe  
ctu animæ Christi, cum nullus actus Dei respectu  
illius sit vitalis, ut supra diximus. At vero ad  
sanctitatem non requiritur nisi ut taliter perfici  
tur subiectum, ut reddatur objectum congruum  
divina dilectionis, quod ipso facto fit, quo  
quis subsistat subsistens divinam, sic enim effi  
citur filius Dei, non adoptivus, sed naturalis,  
& perfectissime consors naturæ divinae.

## SECTIO SECUNDA.

Inferuntur quædam circa impeccabi  
litas Christi.

HINC infero primò: Humanitatem Christi  
cum eadem cognitione, cum quæ Deus  
videt eam, si esset dimissa à Verbo, fuisse pec  
caturam, non tamen posse nunc peccare, quia  
jam non est subjectum capax peccati, ad quam  
incapacitatem sufficit conjunctio cum summa  
sanctitate, unde necessariò tunc omitteret Chri  
stus actum peccaminorum, cum antecedenter  
determinatus sit ad non peccandum.

Infero secundò: Assumi posse à personâ divi  
na humanitatem, qua antea peccasset, ita ta  
men ut necessariò per assumptionem tolleretur  
peccatum omne, sive mortale, sive veniale.

Dices: ergo in eo casu esset verum dicere, peccaverat.  
Deus peccavit. Vasquez hic, disp. 61. num. 19.  
admittit sequelam. Melius tamen negatur cum  
Suarez disp. 33. sect. 2. Ratio est: Quia non  
est idem suppositum de quo affirmatur pecca  
tum, tunc enim peccasset natura in proprio  
supposito,

XV.

*Objec.* Vo  
luntas hu  
manitatis  
non immu  
tatur per  
unionem  
hypostati  
cam, ergo  
et peccavi  
tum.

XVI.

*Objec.* Po  
tius divini  
tus esse error  
in anima  
Christi, et  
peccatum.

go & pecca  
tum.

*L.*  
Christus  
quamcum  
quo habeat  
cognitionem,  
omittit ne  
cessariò pe  
ccatum.

II.

*Potest à*  
*Personâ di  
vinâ assu  
muntur  
humanitas,*  
*qua præ*  
*ceccavit.*

III.

*Neque tam  
in hoc casu  
verum esset  
dicere, Deus  
peccavit.*